

**სსიპ „საგანმანათლებლო და სამეცნიერო ინფრასტრუქტურის განვითარების სააგენტო“-ს
სახელმწიფო ბიუჯეტის ასიგნების ფარგლებში სახელმწიფო შესყიდვების
განსახორციელებლად შექმნილი სატენდერო კომისიის სხდომის
ოქმი №1**

ქ. თბილისი

25 მარტი 2019 წელი

სხდომას უძღვებოდა:

ზვიად როსტომაშვილი - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“ დირექტორი - კომისიის თავმჯდომარე;

სხდომას ესწრებოდნენ:

გიორგი შალუტაშვილი - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“ დირექტორის პირველი მოადგილე - კომისიის წევრი;

მამია მორალიშვილი - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“ დირექტორის მოადგილე - კომისიის წევრი;

გიორგი თინაძე - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“ დირექტორის მოადგილე - კომისიის წევრი;

მამუკა ბერიძე - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“ ეკონომიკური სამსახურის უფროსი - კომისიის წევრი;

ირმა ხუფენია - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“ - ადმინისტრაციის უფროსი - კომისიის წევრი;

ლელა სვიმონია - სსიპ „საგანმანათლებლო და სამეცნიერო ინფრასტრუქტურის განვითარების სააგენტოს“ პროექტის კოორდინატორი;

სატენდერო კომისიის აპარატის წევრები:

ზვიად როსტომაშვილი - აპარატის ხელმძღვანელი;

დავით მესხიშვილი - აპარატის წევრი;

ნინო გლოგელი - აპარატის წევრი;

დღის წესრიგი: სსიპ „საგანმანათლებლო და სამეცნიერო ინფრასტრუქტურის განვითარების სააგენტო“-ს მიერ 2019 წლის სახელმწიფო ბიუჯეტის სახსრებით 108 100 კომპლექტი სასკოლო მერხისა და სკამის სახელმწიფო შესყიდვის მიზნით, ერთეულობიანი ელექტრონული ტენდერის ჩასატარებლად შესაბამისი სატენდერო დოკუმენტაციისა და ტენდერის ჩატარების შესახებ განცხადების პირობების მომზადება.

აღწერილობითი ნაწილი:

2019 წლის 05 თებერვლის N118813 სამსახურებრივი ბარათის თანახმად სააგენტოს საგანმანათლებლო დაწესებულებების მატერიალური უზრუნველყოფის სამსახურიდან შემოსული კორესპონდენციის (სამსახურებრივი ბარათი N77436 - 28/01/2019) საფუძველზე დაიწყო ხელახალი ბაზრის კვლევა 108 100 ცალი სასკოლო მერხის და სკამის შესყიდვასთან დაკავშირებით. მათ შორის:

- მეორე საფეხურისთვის - 32 613 ცალი სასკოლო მერხი და სკამი;
- მესამე საფეხურისთვის - 36 004 ცალი სასკოლო მერხი და სკამი;
- მეოთხე საფეხურისთვის - 39 483 ცალი სასკოლო მერხი და სკამი.

ზემოაღნიშნულის საფუძველზე მიმდინარე წლის 28 იანვარს დაიწყო ფასთა კვლევა.

ინფორმაცია გაგზავნილ იქნა როგორც საქართველოში, ისე საერთაშორისო ბაზარზე ოპერირებად კომპანიებთან, ასევე გაგზავნილ იქნა შესყიდვების სააგენტოში ვებ-გვერდზე განსათავსებლად. (წერილი N81272 - 28/01/2019, [http://procurement.gov.ge/Market-research/kvleva-\(461\).aspx](http://procurement.gov.ge/Market-research/kvleva-(461).aspx))

კომპანიებთან გაგზავნილ იქნა შემდეგი ინფორმაცია:

გამოყენებული მასალების მახასიათებლები მერხისა და სკამის შემადგენელი ნაწილები უნდა აკმაყოფილებდნენ შემდეგ მოთხოვნებს:

- მერხისა და სკამის კარკასი - მეტალის, არარეგულირებადი. იგი არ უნდა იყოს ე.წ. ფხვნილოვანი მეტალისაგან დამზადებული.

- მერხის ზედაპირი: უნდა იყოს (მერხის, სკამის საჯდომისა და საზურგის) – ვერზალიტის (Werzalit) ტექნოლოგიით დამზადებული, რაზედაც წარმოდგენილი უნდა იქნეს ხარისხის შესაბამისობის სერტიფიკატი.
- მერხის და სკამის კონსტრუქცია უნდა იყოს მეტალის მილისებური ან მართკუთხა/კვადრატულიპროფილის (მეტალის კედლის სისქე არანაკლებ 1,5 მმ), რითაც უზრუნველყოფილი იქნება მერხის სათანადო სიმტკიცე და მდგრადობა.
- მერხი და სკამი უნდა იყოს ცალ-ცალკე.
- უსაფრთხოების მიზნით, მერხს და სკამს, ასევე მის თანმხლებ დეტალებს არ უნდა ჰქონდეს მახვილი კუთხეები და ბოლოები, ამასთან ზედაპირი უნდა იყოს გლუვი და არ უნდა ჩანდეს სამაგრი დეტალები, სკამის საზურგე (ლითონის კონსტრუქცია) მთლიანად უნდა იყოს დაფარული ვერზალიტის მასალით (იგულისხმება სკამის საზურგის ზედა ნაწილი, რომელსაც ნორმალურ ფიზიოლოგიურ მდგომარეობაში ეყრდნობა მოსწავლე).
- მერხს უნდა ჰქონდეს მოსწავლის ჩანთის შესანახი ადგილი მერხის ზედაპირის ქვეშ, რომელიც ხელს არ უნდა უშლიდეს მერხის ნორმალურ ექსპლუატაციას. ასევე მეტალის კაუჭი ჩანთის ჩამოსაკიდებლად (გვერდით მხარეს).
- მერხის ზედაპირის დახრილობის კუთხის გრადუსული ზომა არ უნდა აღემატებოდეს 5° - ს.
- მერხისა და სკამის ყველა დეტალი დამზადებული უნდა იყოს ეკოლოგიურად სუფთა მასალისაგან;

მეოთხე საფეხურისთვის:

მერხის ზედაპირის გარე პერიმეტრის სისქე უნდა შეადგენდეს არანაკლებ 20 მმ-ს;

- მერხის სიმაღლე - 76სმ (± 2 სმ);
- სკამის სიმაღლე - 46 სმ (± 2 სმ);
- სკამის(დასაჯდომი) ზედაპირის სიგანე - 35 სმ (± 1 სმ);
- სკამის (დასაჯდომი) ზედაპირის სიგრძე - 40 სმ (± 1 სმ);
- სკამის საზურგის სიგრძე - 15 სმ (± 1 სმ);
- სკამის საზურგის სიგანე - არანაკლებ 35 სმ (± 1 სმ);
- მაგიდის ზედაპირის სიგანე - 45-50 სმ (± 1 სმ);
- მაგიდის ზედაპირის სიგრძე - 60-70 სმ (± 1 სმ);
- კარკასი უნდა შეიღებოს ეკოლოგიურად სუფთა საღებავით;
- ზედაპირის ფერი - ხის ღია ფერი;

მესამე საფეხურისთვის:

- მერხის ზედაპირის გარე პერიმეტრის სისქე უნდა შეადგენდეს არანაკლებ 20 მმ-ს;
- მერხის სიმაღლე - 70სმ (± 2 სმ);
- სკამის სიმაღლე - 42 სმ (± 2 სმ);
- სკამის (დასაჯდომი) ზედაპირის სიგანე - 35 სმ (± 1 სმ);
- სკამის (დასაჯდომი) ზედაპირის სიგრძე - 40 სმ (± 1 სმ);
- სკამის საზურგის სიგრძე - 15 სმ (± 1 სმ);
- სკამის საზურგის სიგანე - არანაკლებ 35 სმ (± 1 სმ);
- მაგიდის ზედაპირის სიგანე - 45-50 სმ (± 1 სმ);
- მაგიდის ზედაპირის სიგრძე - 60-70 სმ (± 1 სმ);
- კარკასი უნდა შეიღებოს ეკოლოგიურად სუფთა საღებავით;
- ზედაპირის ფერი - ხის ღია ფერი;

მეორე საფეხურისთვის:

მერხის ზედაპირის გარე პერიმეტრის სისქე უნდა შეადგენდეს არანაკლებ 20 მმ-ს.

- მერხის სიმაღლე - 64 სმ (± 2 სმ)
- სკამის სიმაღლე - 38 სმ (± 2 სმ)
- სკამის (დასაჯდომი) ზედაპირის სიგანე - 35 სმ (± 1 სმ)
- სკამის (დასაჯდომი) ზედაპირის სიგრძე - 40 სმ (± 1 სმ)
- სკამის საზურგის სიგრძე - 15 სმ (± 1 სმ)
- სკამის საზურგის სიგანე - არანაკლებ 35 სმ (± 1 სმ)
- მაგიდის ზედაპირის სიგანე - 45-50 სმ (± 1 სმ)
- მაგიდის ზედაპირის სიგრძე - 60-70 სმ (± 1 სმ)
- კარკასი უნდა შეიღებოს ეკოლოგიურად სუფთა საღებავით
- ზედაპირის ფერი - ხის ღია ფერი

სხვა აუცილებელი ტექნიკური მოთხოვნები:

- მერხისა და სკამის სიმკვრივე უნდა აკმაყოფილებდეს 700-800 კგ/მ³;
- მერხისა და სკამის სიმტკიცე უნდა აკმაყოფილებდეს 30-50 ნ/მმ²;
- წყლის ზემოქმედების სხვადასხვა პირობებში მერხისა და სკამის ზედაპირის ამოზურცვის სისქე პროცენტულად უნდა აკმაყოფილებდეს:

ა) 20°C ტემპერატურის მქონე წყალში 2 საათით მოთავსების შემდეგ, ზედაპირის ამოზურცვის მახასიათებელი არ უნდა იყოს 1%-ზე მეტი;

ბ) 70°C ტემპერატურის მქონე წყალში, 5 საათით მოთავსების შემდეგ ზედაპირის ამოზურცვის მახასიათებელი არ უნდა იყოს 9,0%-ზე მეტი;

გ) 100°C ტემპერატურის მქონე წყალში, 2 საათით მოთავსების შემდეგ ზედაპირის ამოზურცვის მახასიათებელი არ უნდა იყოს 12,0%-ზე მეტი;

მიწოდების პირობები და ვადები:

ა) მიმწოდებელმა ინსპექტირების მიზნისთვის ხელშეკრულების გაფორმებიდან 10 კალენდარული დღის ვადაში უნდა უზრუნველყოს II, III დონის და IV დონის ერთი კომპლექტი მერხისა და სკამის მიწოდება შემსყიდველისათვის (ჯამში 3 კომპლექტი).

ბ) გაზრდილი რაოდენობიდან და ლოკაციებიდან გამომდინარე, სასკოლო მერხისა და სკამის მოწოდების საერთო ვადა მიზანშეწონილია განისაზღვროს 210 კალენდარული დღით. ამ ვადის ფარგლებში მიწოდება უნდა განხორციელდეს ორ ეტაპად: პირველ ეტაპზე, ხელშეკრულების გაფორმებიდან 120 კალენდარული დღის განმავლობაში მოწოდებულ უნდა იქნეს სრული რაოდენობის 50% დანართი N1-ში მითითებული ლოკაციების შესაბამისად, ხოლო მე-2 ეტაპზე, დარჩენილი 90 კალენდარული დღის განმავლობაში მოწოდებული უნდა იქნას დარჩენილი 50% დანართი N2-ში მითითებული ლოკაციების შესაბამისად.

კვლევაში მონაწილეობა მიიღო და დადგენილ ვადაში შემოთავაზება წარმოადგინა ოთხმა კომპანიამ:

კომპანია	საფეხური	რაოდენობა	კომპლექტის ერთეულის ღირებულება (დღგ-ს ჩათვლით)	კომპლექტის ჯამური ღირებულება (დღგ-ს ჩათვლით)	სულ ჯამური ღირებულება
პირველი კომპანია	მეოთხე	39483	197	7778151	21295700
	მესამე	36004	197	7092788	
	მეორე	32613	197	6424761	

მეორე კომპანია	მეოთხე	39483	125	4935375	12771277
	მესამე	36004	118	4248472	
	მეორე	32613	110	3587430	
მესამე კომპანია	მეოთხე	39483	107.38	4239684.54	11208939.77
	მესამე	36004	103.25	3717413	
	მეორე	32613	99.71	3251842.23	
მეოთხე კომპანია	მეოთხე	39483	76	3000708	7911910
	მესამე	36004	73	2628292	
	მეორე	32613	70	2282910	

ჩატარებული ბაზრის კვლევის შედეგების ანალიზის შედეგად ირკვევა, რომ ყველაზე დაბალი ჯამური ფასი სასკოლო მერხებისა და სკამების მისამართების მიხედვით დარიგებაზე შემოთავაზებულია მეოთხე კომპანიის მიერ, კერძოდ: მეორე საფეხურის ერთი კომპლექტის ჯამური ღირებულება - 70 ლარი; მესამე საფეხურის ერთი კომპლექტის ჯამური ღირებულება - 73 ლარი; მეოთხე საფეხურის ერთი კომპლექტის ჯამური ღირებულება - 76 ლარი; შესყიდვის ჯამური სავარაუდო ფასი შეადგენს 7 911 910 (შვიდი მილიონ ცხრაას თერთმეტი ათას ცხრაას ათი) ლარი.

2019 წლის 19 მარტის N324922 სამსახურებრივი ბარათით დამატებით ცნობილი გახდა, რომ ხელშეკრულების გაფორმების შემდეგ შესაძლებელია მუნიციპალიტეტის ფარგლებში შეიცვალოს მიწოდების ადგილი, რაოდენობის უცვლელად.

სამოტივაციო ნაწილი:

ჩატარებული ბაზრის კვლევის შედეგების გათვალისწინებით მიზანშეწონილია ტენდერის სავარაუდო ღირებულებად განისაზღვროს 7 911 910 (შვიდი მილიონ ცხრაას თერთმეტი ათას ცხრაას ათი) ლარი, მათ შორის: მეორე საფეხურის ერთი კომპლექტის ჯამური ღირებულება - 70 ლარი (ჯამური ღირებულება - 2 282 910 ლარი); მესამე საფეხურის ერთი კომპლექტის ჯამური ღირებულება - 73 ლარი (ჯამური ღირებულება - 2 628 292 ლარი); მეოთხე საფეხურის ერთი კომპლექტის ჯამური ღირებულება - 76 ლარი (ჯამური ღირებულება - 3 000 708 ლარი). ხოლო მიწოდების ვადა ჩამოყალიბდეს შემდეგი სახით: „შესყიდვის ობიექტის მიწოდება უნდა განხორციელდეს ეტაპობრივად, ხელშეკრულების გაფორმებიდან 210 კალენდარულ დღეში. ამ ვადის ფარგლებში მიწოდება განხორციელდება ორ ეტაპად: პირველ ეტაპზე, ხელშეკრულების გაფორმებიდან 120 კალენდარული დღის განმავლობაში მოწოდებულ უნდა იქნეს სრული რაოდენობის 50%, ხოლო მე-2 ეტაპზე, დარჩენილი 90 კალენდარული დღის განმავლობაში მოწოდებული უნდა იქნას დარჩენილი 50%. მიმწოდებელმა უნდა გაითვალისწინოს, რომ ხელშეკრულების გაფორმების შემდეგ შესაძლებელია მუნიციპალიტეტის ფარგლებში შეიცვალოს მიწოდების ადგილი, რაოდენობის უცვლელად“.

ამასთან, მნიშვნელოვანია სატენდერო დოკუმენტაციაში გათვალისწინებულ იქნას შემდეგი პირობები: „პრეტენდენტმა ტენდერის სტატუსი - "შერჩევა-შეფასება" ეტაპზე უნდა უზრუნველყოს II, III დონის და IV დონის ერთი კომპლექტი მერხისა და სკამის ნიმუშის მიწოდება შემსყიდველისათვის (ჯამში 3 კომპლექტი).

ნიმუშებთან ერთად პრეტენდენტმა უნდა წარმოადგინოს სსიპ ლევან სამხარაულის სახელობის სასამართლო ექსპერტიზის ეროვნული ბიუროს დასკვნა ან სსიპ „აკრედიტაციის ერთიანი ეროვნული ორგანო აკრედიტაციის ცენტრი“-ს მიერ აკრედიტებული ორგანიზაციის (პირი) დასკვნა (დასკვნასთან ერთად ერთიან ელექტრონულ სისტემაში წარმოდგენილი უნდა იყოს შესაბამის სფეროში აკრედიტაციის დამადასტურებელი დოკუმენტი) ან უცხო ქვეყნის აკრედიტირებული ან სერთიფიცირებული საექსპერტო დაწესებულების ან ლაბორატორიის დასკვნა (დასკვნას თან უნდა ახლდეს დაწესებულების

ან ლაბორატორიის შესაბამის სფეროში აკრედიტაციის ან სერთიფიცირების დამადასტურებელი ლეგალიზებული ან აპოსტილით დამოწმებული ქართულ ენაზე თარგმნილი და ნოტარიულად დამოწმებული დოკუმენტი).

დასკვნა წარმოდგენილი უნდა იქნას დედნის სახით და იმავდროულად ატვირთული იქნას ტენდერის შესაბამის ველში. წარმოდგენილი დასკვნით უტყუარად უნდა დგინდებოდეს თითოეული კომპლექტის ნიმუშის შესაბამისობა შესყიდვის ობიექტის მიმართ სატენდერო დოკუმენტაციით დადგენილ მოთხოვნებთან და პრეტენდენტის მიერ წარმოდგენილ მახასიათებლებთან მიმართებაში.

უცხო ქვეყნის აკრედიტირებული ან სერთიფიცირებული საექსპერტო დაწესებულების ან ლაბორატორიის მიერ გაცემული დასკვნა დამოწმებული უნდა იყოს კანონმდებლობით დადგენილი წესით (ლეგალიზებული ან აპოსტილით დამოწმებული) და მას თან უნდა ერთვოდეს ნოტარიულად დამოწმებული ქართული თარგმანი.

დასკვნა გაცემული უნდა იყოს უშუალოდ პრეტენდენტის მიერ შემოთავაზებულ საქონელზე და გაცემული უნდა იყოს ტენდერის გამოცხადების შემდეგ.

მიმწოდებელმა უნდა გაითვალისწინოს, რომ შემსყიდველი უფლებამოსილია მოწოდების ყოველ ეტაპზე, შერჩევით მოახდინოს თითოეული დონის სასკოლო მერხისა და სკამის თითო კომპლექტის ამოღება და მისი საექსპერტო კვლევა შესყიდვის ობიექტის მიმართ დადგენილ მოთხოვნებთან შესაბამისობის დადგენის მიზნით. ექსპერტიზაზე გაგზავნილი კომპლექტები არ ჩაითვლება შესყიდვის საერთო რაოდენობაში.

შესყიდვის ობიექტის მოცულობისა და მიწოდების ვადების გათვალისწინებით განსაკუთრებული მნიშვნელობა ენიჭება პრეტენდენტთა კვალიფიკაციის დამადასტურებელი მოთხოვნების განსაზღვრას. მოთხოვნების დადგენისას დაცული უნდა იქნას ობიექტურობისა და არადისკრიმინაციულობის პრინციპები, რაც გულისხმობს კვალიფიკაციის დამადასტურებელი მოთხოვნების შესყიდვის ობიექტის სპეციფიკის, მოცულობის და მიწოდების ვადის გათვალისწინებით შესყიდვის ობიექტთან მიმართებაში პირდაპირ და პროპორციულად განსაზღვრას.

ზემოაღნიშნულის გათვალისწინებით, იმისათვის რომ ტენდერში მაქსიმალურად გაიზარდოს კონკურენცია, რაც თავის მხრივ განაპირობებს სახელმწიფო ბიუჯეტის რაციონალურად ხარჯვას, მიზანშეწონილია პრეტენდენტთა კვალიფიკაციის მიმართ წაყენებული მოთხოვნები ჩამოყალიბდეს შემდეგი რედაქციით: „პრეტენდენტს 2014 წლის 1 იანვრიდან მოცემულ ტენდერში წინადადების მიღების დასრულების დღის ჩათვლით გააჩნდეს გამოცდილება არანაკლებ 1 000 000 (ერთი მილიონი) ლარის ღირებულების ავეჯის მიწოდებაზე ან წარმოებაზე. აღნიშნულის თაობაზე პრეტენდენტმა ელექტრონულ სისტემაში უნდა ატვირთოს ხელშეკრულებ(ებ)ი, მიღება-ჩაბარების აქტ(ებ)ი და საგადასახდო ანგარიშგაქტურ(ებ)ი (არსებობის შემთხვევაში - ვრცელდება საგადასახდო ანგარიშგაქტურაზე) ან ანგარიშსწორების დამადასტურებელი დოკუმენტაცია (საგადახდო დავალება); შენიშვნა: არარეზიდენტის, წარმომადგენლობა/ფილიალის და ამხანაგობის (იმ შემთხვევაში თუ გამოყენებულია უცხოური კომპანიის გამოცდილება) გამოცდილების დამადასტურებელი დოკუმენტაცია დამატებით დადასტურებული უნდა იყოს საერთაშორისო აუდიტორული კომპანიების მიერ, რომლებიც წარმოდგენენ ე.წ. 2018 წლის ტოპ ათეულში შემავალ კომპანიებს (Top 10 Accounting Firms 2018)“.

აქვე უნდა აღინიშნოს, რომ მიმდინარე წლის 19 მარტის N10472 წერილით (შიდა ნომერი: N322369 – 19/03/2019) წარმოდგენილია 2019 წლის 15 მარტის N520 საქართველოს მთავრობის განკარგულება საქართველოს განათლების, მეცნიერების, კულტურისა და სპორტის სამინისტროს მმართველობის სფეროში შემავალი საჯარო სამართლის იურიდიული პირის - საგანმანათლებლო და სამეცნიერო ინფრასტრუქტურის განვითარების სააგენტოს მიერ სახელმწიფო შესყიდვების განხორციელებაზე წინასწარი თანხმობის გაცემის შესახებ.

დაადგინეს:

1. დაევალოს სატენდერო კომისიის აპარატს, 2019 წლის 05 თებერვლის N118813, 2019 წლის 06 თებერვლის N126604, 2019 წლის 19 მარტის N324922 სამსახურებრივი ბარათებისა და 2019 წლის 13 თებერვლის N158639, 2019 წლის 19 მარტის N322369 წერილების პირობებისა და წინამდებარე ოქმის სამოტივაციო ნაწილში მოცემული მსჯელობის გათვალისწინებით სახელმწიფო შესყიდვების ერთიან

ელექტრონულ სისტემაში განათავსოს სატენდერო დოკუმენტაცია და ელექტრონული ტენდერის ჩატარების შესახებ განცხადება სასკოლო მერხისა და სკამის შესყიდვაზე.

2. შესყიდვის ობიექტის ერთგვაროვნება განისაზღვროს შემდეგი კლასიფიკატორის კოდის შესაბამისად: CPV:39160000 - სასკოლო ავეჯი.

კომისიის თავმჯდომარე:




ზვიად როსტომაშვილი


კომისიის წევრები:



გიორგი შალუტაშვილი



მამია მორალიშვილი




გიორგი თინაძე

მამუკა ბერიძე




ირმა ხუფენია




ლელა სვიმონია

აპარატის წევრი:



დავით მესხიშვილი



ნინო გლოველი

